

秋澗先生大全文集

二二

秋澗先生大全文集

PDG

秋澗先生大全集卷第八十八

烏臺筆補

彈趙春奴不孝事

今察到在都蘄寧坊人匠趙春奴將伊親母阿焦生
不奉養棄絕在外餘二十年於今年五月內客寄患
病有伊母親妹梁阿焦遣人報知其趙春奴並不前
來侍疾至十九日夜母阿焦身死其院王陣姑兩次
專人告哀本人又不奔赴停至午轉繞方前來已是
帶酒並不舉哀又無哀經復發怨言難以緘惡又禁
伊妻不令哀哭遂將靈車用驢駕拽便行出送春奴
隨逐道中又不哭泣亦無戚容言笑自若里巷人衆
指詈不孝其逆心終不悛悔反生嗔怒先行去訖有

姨弟梁從振者告到匠官黃元帥教依理持喪出殯
本人故將喪事畧不成禮只於當晚焚燒了當詳此
情逆世所不容今京師風化之源憲臺肅清之府其
趙春奴既為人子其於母氏存歿之際梟獍其心絕
滅人理較量惡逆孰大於斯其在
國家寔傷風化據此合行糾劾伏乞御史臺照詳痛
加懲戒施行

論鈔息復立常平倉事

切惟天災莫重於凶歉國計無先於貯儲蓋儲有餘
則國用足國用足則民賴以足今天下大約公私之
間曾無蓄積以備凶年况即目自中都而南蝗旱水
澇十有餘路雖水至甚萬一失所官須存卹然不過

發倉廩免租稅重爲賑濟而已此特拯荒于一時其
於經國遠圖則未也以愚見莫若復

先帝常平之制就各路已有之倉令有司預爲脩理
講明定法不使有名無實昔唐以稅茶等錢爲義倉
之本深爲便益叅詳合無亦將隨路平準行用鈔庫
工墨鈔息增餘見在等鈔分標州郡作常平粟本就
令本路轉運司兼以提舉收余勾當續用逐年所得
錢數源源不已則三年之間百萬石之粟可不勞而
辦是常有一年之蓄矣又會驗得常平倉國家自丁
巳年初立明年戊午宣德西京等處霜損田禾穀價
騰踴百姓闕食官爲減價出糶民賴以安此先事之
效也兼安便官民其利有五且不動官本無害經費

取辦於息取息之法又無窒礙一利也歲或饑饉就未全濟使民心先安大有指擬不必家至戶到感念恩惠二利也其力穡之家又知國家貴穀賤貨務農大本使趨末之徒爭緣南畝不致有過賤傷農之歎三利也至若軍旅調度糧餉爲先比歲軍興動輒和采若常平一立除屯田糧及正稅外復有百萬餘石之穀積於中而壯於外時和歲豐民無所仰權以濟軍雖調度加倍民無和采之擾軍免闕食之虞四利也歲稍不豐平價出粟鈔本不失人賴以安使市廛之徒絕幸災貪利之心貧乏之家脫轉死流移之替五利也若夫平糴常平富人社義等法歷代相沿莫能變易能一旦舉而復行則天下幸甚所謂不害經

費爲國遠圖良以此也據此合行呈覆

彈縣尉楊政事狀

體察得今年十一月內有在都住人崔提領將傳州人戶丁五十妻支丑女作逃婦捉拿及稱被捉支丑女時有老劉等將皮帽金經卷兒等物奪了其崔提領與伊相識人大興縣見任縣尉楊政一同於施仁門關不居公辭問得支丑女不係逃婦明有根脚不容分析崔提領將支丑女用繩索鎖訖分付楊縣尉收禁責得本婦狀稱因夫丁五十赴都作夫患病前來探覷到永清縣河西務被崔提領作李蘭奚提住寅夜強行奸污問出如此詞因其縣尉楊政並不行移有司理問枉禁支丑女數日將崔提領所據老劉

等奪訖金經卷兒等物却勒支丑女要培鈔六貫才
將支丑女保出使本婦無處申訴爲此就喚到太興
縣尉楊政問得所說相同除前項支丑女等一起公
事省會本縣尉司行移本縣依理施行外據縣尉楊
政係京畿捕盜正官有此違枉合行糾彈

彈馬全擅科鈔事狀

今體察到管上都路洪贊馬站貼戶提領馬全自至
元二年正月至五年十月終於所管站戶劉澤等處
除正站祇應錢外擅自科歛雜泛錢鈔二定一十九
兩九錢問得馬全招伏是實兼馬全年七十七歲老
病不任勾當合行糾彈

爲收刈秋青草事

照得每年和買應辦稗草不下六七百萬秤才方敷用切見燕京順天等處蝗虫水滂若全依年例和買切恐臨時耽悞合無籍此秋間令從長計置秋青等草如法積垛向前兼戴支持用度官民侶爲兩便據此合行具呈

爲私被衣甲事狀

欽奉

聖旨條畫內一款節該諸官吏將官物移易借貸者委監察糾察欽此近於五月十三日在都百姓人等私賽神社其人往往被執兵甲遊歷街衢前後數日及馬有挂全副甲者今體察得上項器甲俱係在京諸色官負人等處借到恭詳甲兵

國家重器又欽奉

聖旨已有明禁條例今來諸人冒法抵禁私假小民以爲戲劇甚非嚴制令而重武備也豈惟民不識法習以爲常切恐因而別生事端據在都官員人等務相假借及合干部分禁斷不嚴合行糾彈伏乞御史臺照詳懲戒施行

彈市令馮時昇不公事狀

今體察到在都前市令馮時昇於行鋪人戶處取受行錢鈔六定一十一兩三錢五分黃米七石麵一百斤制府見行追培其馮時昇却於今年四月間賫大興府保解赴部求仕

省部依准將馮時昇遷除保定縣尉去訖切詳市令

係八品職官其不公如此事發在官已有承伏迺於
總府告稱勾當已來並無粘帶亦無過犯其大興府
亦不勘當是否端的輒便朦朧保申是屬違錯外據
馮時昇負罪欺官僥倖冒進以之臨民何所不至合
行一就糾彈今後合無照到部人員曾管領錢穀者
亦於制國用使司會驗有無粘帶然後遷除庶望杜
絕奸欺以厲來者

彈步站官王提領不公事狀

今體察得中都管步站官吏王提領崔總把徐令史
等與自願當站百戶楊賸焦百戶等上下通同作弊
於站戶百戶馮百亨等二十名處累次取歛錢物及
剋落給散草料鈔取受羊酒逐節不公等事據此合

行糾彈

爲在都回回戶不納差稅事狀

切見中都親管民戶每歲供給和買夫役一切等事
比之他路實爲繁重今體察到本路回回人戶自壬
子年元籍并中統四年續抄計二千九百五十三戶
於內多係富商大賈勢要兼并之家其興販營運百
色侵奪民利並無分毫差役照得欽奉

先帝聖旨節該幹脫做買賣畏吾兒木速兒蠻回回
交本住處千戶百戶裏去者若稱有田產物業不去
呵依已前

聖旨體例裏見住處不揀大小差發鋪馬祗應與民
戶一體當者欽此合無照依累降

聖旨處分事意取會見數分豁定奪驗實有氣力與民一體當差瘼得協濟貧乏不致靠損據此合行糾呈施行

爲陝西鄭縣隱戶計事狀

欽奉

聖旨条畫內一款該載不盡應合糾察事理委監察並行糾察又會到陝西行中書省文符該欽奉

聖旨節文拘刷本路外來交叅析居放良等戶若州縣官如能用心將民戶拘刷盡數到官遷官給賞如有隱藏定是降官治罪欽此今體訪到京兆路華州官司將鄭縣刷出漏籍等戶六十二戶並不申報上司私下取歛差發今問得見有華州人劉德亨並與

所察相同是屬違錯據此合行糾呈

爲蝗旱救治事狀

切惟古之爲國者雖值凶歉民無捐瘠困乏者蓄積多而備先具也今隨路大蝗赤地千里就使撲滅已成災傷其於貧民首先失所不無流移飢饉而救荒備患之術不可不預爲計料何則今日唯先安集民心最爲急務故謹具愚見二十事伏乞

御史臺詳擇施行須至呈者

一隨路總管府今歲伏遇

天壽節除祝延

萬壽禮數外權宜停罷公宴庶表

朝廷優卹元元不以已爲樂也若然則雖古者聖王

遇災減膳徹樂無以加此

一御河上下有糧倉分宜差清幹官檢括實有
見在數目外據借貸裝散變碾及上年
河運未到倉粟數督勸所司嚴限開納
其通州李二寺等處應有露囤糧斛就
水漕未動亦宜許諸人般運赴都城倉
其脚價止支本色亦實京師濟窮民之
一端也如挨陳者其闕食之家驗口賑
濟不然令所在弓兵早暮兼爲巡防以
備疎虞

一隨路商販積蓄之家官宜出榜驗彼中時估
量添價直發賣仍禁不得擅恣增物

價如百石以上坏粟者究治如官倉發賣其權豪富戶所余不過十余石若詭名轉余者仍爲究治

一隨路存留祇應銀糧如已到官者須土司明文然後動支若百姓緊關食廩仍作急飛申聽候許令賑濟其未納到官者盡行蠲免

一隨路站赤祇應如酒肉等物亦宜約量減免不然照依

中書省劄付順天路事理一體施行不然燕南二萬餘戶獨不被存卹之意也

一河間路轉運司應收到物斛不下五七萬石
宜無令回易銀鈔驗元價直輸河倉使
克正課以備軍國經費作爲兩便不然
如本路百姓闕食官定平價發賣

一隨處金銀丹錫等坑冶約五十餘所每歲穿
穴淘採不無損泄陰陽之和有無合止
者止以少養天地元氣

一山林河泊之利所在皆辦外課有無權時蠲
免聽民採取以供不給兼前世已嘗施
行稍足復禁如初

一山林原野係禁地去處如猪鹿鳥鴈雞兔之
類亦宜許令採捕期以糴豐稔禁如初

一隨路交鈔庫鐵冶所即目若有見在物斛去處亦宜取會見數仰所在運司出榜照依元價果賣

一在都酒務開沽者應有見在緇糯官司亦且見數權令停止醞造此係前世爰嘗施行

一捕蝗之際不以諸色等人有材能識見規畫

出衆者籍記姓名事定量加賞用又嘗聞飛蝗雖難打捕遇夜即須停止於坐落厚處傍挑坑澆燂薪草使之明照四遠然後驚趕蝗必望明投赴衆力從而撲滅說比比得濟合無試爲之行恐是